

吾

學

編

皇明同姓諸王傳第二卷

吾學編第十五

海鹽鄭曉

蜀王

蜀王椿母郭惠妃滁陽王女也洪武四年生生十一年而封成都惠妃生王及代谷二王永樂汝陽二公主王元妃涼國公女王讀書好善近儒生能文章高皇呼爲蜀秀才未之國歲清明遣祭滁陽王墓於滁州之國初卽聘漢中教授方孝孺教世子待以賓師禮推恩母族歲時問遺不絕常發祿贍郡教授月一石當是時邊王歲出塞征胡王

以雅好學問守西番安靖與民休息永樂三年來
朝二十一年卒謚獻六子長悅熈次悅燿悅燁悅
忻悅熨悅熈悅熈早卒謚悼莊世子嫡孫友堦永
樂二十二年嗣初友堦爲世孫叔華陽王悅燿謀
奪適獻王怒斥去不悛囚而繫之又不悛益怨誣
友堦罪於朝 文皇召友堦叔姪自明比至 文
皇崩 仁宗察悅燿誣世孫得嗣王之國未幾悅
燿又走京師誣友堦 仁宗怒抵奏地下曰適庶
大倫干分誣親獨不畏鬼神乎謂侍臣曰悅燿虧
忠孝懷奸讒使歸蜀終亂其國徙武岡州又徙澧

州宣德五年友堦府中忽舉炮銃總兵陳懷聞

上罪府官上還護衛三之一已而請王府官屬

留軍中南人爲匠皆從之宣德六年卒謚靖無子

宣德七年弟友堦以羅江王嗣友堦獻王孫靖王

母弟也宣德九年風疾上念王賢走醫調視未

至卒謚僖無子叔悅邵宣德十年以保寧王嗣儉

飭守禮法天順五年卒謚和子友堦善草書天順

七年以世子嗣是年卒謚定子申鉞天順八年嗣

成化七年卒謚懷無子是年弟申鑿以通江王嗣

好學能文弘治六年卒謚惠明年子賓瀚嗣仁厚

好儒術正德三年卒謚昭明年子讓彬嗣嘉靖十五年守臣言王忠孝賢良上特褒賞二十年上黃金千兩白金萬兩修宗廟加祿歲二百石王帶一王受王帶辭祿世子承鑰

湘王

湘王柏洪武四年生生八年封荊州母胡順妃豫章侯美女也王明敏好學能文章尤喜道家言自號紫虛子膂力過人握弓矢刀槊上馬奮如飛建文元年或告王反建文君遣使即訊王懼縱火宮中奮身投火妃從之闔宮皆死謚戾妃江陰侯高

安無子國除葬江陵西太暉山靖難後改謚獻治
其塋祠

代王

代王桂其妃武寧王女洪武十一年封豫王二十
四年改封代王明年之國大同建文時廢爲庶人
靖難後復封宣德二年王請得樂器制器王妃仁
孝文皇后妹也王不悅妃妃病王不視孫仕壘聞
於朝乞勅潞城王遜炘啓王善視妃九年王欲率
諸子孫來朝不許王又與其子遜炘遜炘襲衣冠
遊行市中袖錘斧傷市人上與書戒飭稍斂戢

正統十一年卒謚簡十一子世子遜端早卒正統
十三年以子什壘王贈代戾王什壘正統十一年
嗣常上言總兵郭登有功大同虜欲得大同爲巢
穴非登大同不能守朝廷爲勞登天順七年卒謚
隱子成鍊嗣弘治二年卒謚惠子聰沫嗣坐罪徙
山西省城弘治十一年卒謚思子俊杖嗣嘉靖三
年大同軍叛王東走宣府上遣光祿少卿蕭淮
問王嘉靖六年卒謚懿九年子克懼嗣請郡王庶
子祿禮部言郡王庶子無長兄得嗣郡王者封長
子不復得支將軍祿長孫亦如之不許十一年大

同軍又叛王東走宣府上又遣官問王王父子

再遭禍變忠憤自檢得不爲諸逆染鱗十八年秋

樂昌王乞徙代州禮官周旋得徙朔州禮科都給

事中丁湛上疏曰樂昌一府以城域狹隘物價騰

貴得徙代王亦以是爲請何以應之天下宗藩類

皆聚處一城亦皆以是爲請又何以應之况代藩

北控邊鄙南輔圻甸比之他藩尤爲要重數年以

來叛者繼起稔惡不悛皆積疑所致近甫少寧正

宜休息示以安靜乃今宗親無故改遷搖惑衆志

不可已而樂昌王竟徙朔州先是景泰五年昌化

王仕潭言大同地瘠乞移封就祿便養 景帝亦
不許

肅王

肅王熈洪武十一年封漢王二十四年改封肅王
於甘肅建文元年乞內徙徙蘭縣永樂十七年卒
謚莊庶長子贈熾二十二年嗣正統元年言甘肅
舊邸改都司而先王墳園尚在乞留近邸林木從
之府中常被盜劫榜募告捕者賞馬銀御史以聞
罪其長史楊威又請加祿 宣宗曰洪武永樂間
肅王歲祿五百石莊王不言者以朝廷念地遠輸

轉甚難故也 仁孝卽位加五百石矣朕遵祖訓不敢違天順八年卒謚康子祿埤成化四年以洵陽王嗣十五年卒謚簡子貢鏞成化二十三年以汾川王嗣正德中爲諸子請萊戶不允嘉靖十五年卒謚恭子真於弘治四年封世子嘉靖五年卒謚安和次子弼桄初封鎮國將軍嘉靖十一年改封世孫十七年嗣王贈其父肅靖王

遼王

遼王植洪武十年生母韓妃也生二年封衛王改遼王國于遼東廣寧城廣寧五衛盡屯田給王祿

王得趣邊出塞練簡士馬已而坐罪奪祿衛靖難
兵起渡海歸朝改封荊州 文皇即位來朝卒謚
簡子貴烱嗣正統元年府臣乞加祿 上言簡王
得罪朝廷 太祖特加原貸削其儀衛止與尉校
三百人 仁宗命令王嗣倍加祿得支二千石
宣宗又與旗軍三百人朝廷親親已至王於庶母
諸弟寡恩府臣不聞匡正直爲王請加祿不允四
年坐滅絕天理潰亂人倫廢爲庶人簡王第四子
貴煖以興山王嗣卒謚肅子蒙盛嗣世子恩鐫卒
謚榮穆王請以世子妻妾殉塋 憲宗不許卒謚

靖子恩錯嗣卒謚惠子寵受嗣卒謚恭子致格嘉
靖三年嗣卒謚莊子憲櫛初封句容王嘉靖十八
年嗣

慶王

慶王梅母余妃洪武十一年生二十四年封慶陽
二十六年徙韋州建文三年冬移寧夏 文皇令
歲一至韋州度夏宣德初上言寧夏卑濕水泉惡
乞仍居韋州不許許歲一往來韋州如 文皇時
未幾護衛人告王閱兵造戎器購天文書 上書
諭王小人誣叔祖置之法慎勿疑內臣馬安往歸

自寧夏言王以謗故不自安 上又書慰王五年
王請入朝不許王遂請移家寧夏如未樂洪熙得
往來韋州許之正統十三年卒謚靖子秩燊十四
年嗣景泰元年以虜數入寧夏與其弟安化王秩
燊上書乞徙內地不許又言冕服以紗製請易紵
絲 上曰祖制朕不敢易成化五年卒謚康子遂
雖成化七年以平涼王嗣十五年卒謚懷弟豫墀
成化十七年以岐陽王嗣弘治四年卒謚莊子寘
蓋弘治七年以洛交王嗣十年卒謚恭子台沚弘
治十六年嗣時虜數入塞賊發恭王墓嘉靖四年

謀不軌法司請如代王聽沐例徙西安上不許
降庶人畱邸歲與米三百石已又不悛徙西安其
長子肅檀封世子攝府事十二年世子及懷王妃
王氏乞恩畱台宏故邸禮官執議不可十五年兩
宮徽號詔許台宏還邸與冠帶郡王九安化反誅
絕安化王寘鐸者慶靖王曾孫也祖秩終慶靖王
第四子末樂十九年封安化王謚惠懿文遠塏封
鎮國將軍弘治六年贈安化榮和王寘鐸成化二
年封長孫弘治五年嗣正德五年奄瑾擅權毒亂
天下寘鐸遂起逆謀告生員孫景文曰日者言我

有帝王骨相王九兒降鸚鵡神妄言禍福每見寅
鍾呼老天子寅鍾益冀望非分會大理少卿周東
度田寧夏倍益頃畝畝索厚值徵馬屯租甚急景
文謂寅鍾曰殿下欲圖大事此其時矣寅鍾遂爲
酒召都指揮何錦周昂指揮丁廣謀反以誅奄瑾
爲名是年四月五日寅鍾爲酒大會巡撫安惟學
總兵姜漢周少卿李守奄奄及漢至巡撫少卿辭
不至錦等矯言虜入塞急呼壯士申居敬等捕虜
執兵械跨馬呼噪儀賓韓廷璋等伏府序下錦等
趨安化府樞門入序中伏兵起殺漢及奄走行臺

殺惟學都指揮楊忠又殺周少卿縛侯叅議放獄
囚焚官府劫庫藏奪河舟大索慶諸王將軍金幣
萬計呼召逆黨草虜城千戶徐欽引兵入城僞造
印章旗牌又令景文爲僞檄言瑾蠱惑朝廷變亂
祖法屏棄忠良收集兇狡阻塞言路括歛民財籍
沒公卿封拜侯伯數興大獄羅織無辜散遣官校
脅持遠近張綵劉機曹雄毛倫文臣武將內外交
結意謀不軌今特舉義兵清除君側凡我同心並
宜響應傳布邊鎮以錦爲計賊大將軍昂廣左右
副將軍景文軍師張欽先鋒將軍魏鎮等七人都

護朱霞等十二人總管當是時遊擊將軍仇鉞陷賊中欲起擒賊自效恐河東兵未集稱病卧鉞蒼頭潛入城言副總兵楊英都指揮韓斌延綏副總兵侯助遊擊將軍時源各率兵屯河上廣武營都指揮孫隆焚兩壩掃捲河卅盡奪泊東岸矣鉞喜尚稱病卧錦率都指揮鄭卿等三千人出覘渡口留昂守城昂問鉞病鉞猶稱病不起伏諸蒼頭候昂入殺昂鉞卽起開門一呼諸遊兵壯士楊真等聞之卽趨安化府殺朱霞等十一人擒真鏞及其子台潛遣古興兒密告鄭卿令反正卿遂殺魏鎮

等十人錦廣走追擒之賀蘭山外朝廷聞變遣都御史楊一清太監張永督諸軍討賊未至寧夏賊平一清永至陝械寘鐫錦廣等至京頌繫寘鐫諸王館錦廣等下錦衣獄廷鞠伏誅弟寘鐫寘鐫坐黨廢庶人將軍鼐材俘至京既論死正德中山僧大千和尚者富財凌同類同類毆和尚和尚憤曰我皇帝家人也衆異其言聞於朝逮至京下刑部獄和尚曰我安化府鼐材也衆不能辨安化宮人左寶瓶在浣衣局召驗和尚寶瓶叱曰此鼐材殿下得免死送高牆竟不能知當時代鼐材死者誰

也

寧庶人

寧庶人宸濠寧獻王權世孫也洪武十四年封獻王於大寧大寧在喜峰關外古會州地洪武初設北平行都司大寧城中東聯遼東西接宣府爲巨鎮文皇時封北平每歲秋九月會虜寧遼王及寧王宣府谷王大同代王太原晉王西安秦王韋州慶王甘肅肅王出塞捕虜名肅清沙漠以故諸王皆有重兵文皇靖難初與諸將議曰曩余巡塞上見大寧桑顏諸夷驍勇善戰戍卒皆問左罪

謫不能寒吾得大寧斷遼東得胡兵助戰吾事濟
矣乃令世子居守率銳卒千人倍道趨大寧遺書
寧王言窮蹙求救吾弟王遜 文皇單騎入城執
手大慟言不得已至此南兵百萬旦夕且破北平
非吾弟表奏不可寧王爲草表謝請赦居數日款
洽不爲備北平銳卒伏城外諸親密吏士稍稍得
入城遂令陰結諸胡酋長及思歸之士皆喜定約
文皇辭去寧王饒郊外伏兵起執寧王擁入關諸
胡戍卒一呼皆集守將朱鑑不能禦戰沒總兵官
都督劉貞遜還京師行軍都督陳亨皆降燕於是

靖難兵益強當是時寧王善謀時草檄傳諭靖難
後遣內官書諭王再三王入朝相見甚歡因乞改
南土初欲得蘇州上曰蘇州圻內不許又欲得
杭州上曰五弟初封錢塘爲吳王皇考以爲
不可改開封建文無道封其弟兄燧爲吳王竟不
允寧王建寧荊州重慶東昌皆善地惟弟擇焉寧王
得書遂出飛旗令有司治馳道上大怒王不自
安介從兵從五六老中官走南昌稱病卧城樓乞
封南昌上不得已即藩司爲府改封王已而人
告王誹謗巫蠱事上書諭王王不自安稍稍自

歛戢 仁宗即位乞朝京師又言江西非其封國
請改封 上諭王叔受封先帝已二十餘年朕不
敢違 宣宗即位以大父行又復輒恣橫請於封
內選子女不許重違其意賜女婦八十四人王令
省中官服朝服用天子儀仗賀王元旦長至千秋
節習儀鐵柱觀副使石璞聞於朝乞罪其長史王
堅朝議定宗室將軍祿米視品王抗言宗室安得
有品詞不遜時漢庶人方以反誅 上答書詞甚
厲云將軍中尉有品 祖訓也王不得棄 祖訓
肆煩說王即不謹非獨群臣有言不已天下人心

亦不容已徒恃專屬誣讎朝廷典憲具存朕不敢
成未幾又乞灌城田不許稍歛戢托志神仙正統
十三年卒謚獻子盤斌木嗣卒謚莊惠世子景泰
元年以子奠培嗣王追封寧惠王奠培以世孫嗣
王景泰七年坐事革護衛弘治四年卒謚靖靖王
長子觀錫天順八年封上高王弘治五年嗣王十
年卒謚康康王庶子宸濠母馮針兒故娼也弘治
八年封上高王十二年嗣王濠輕佻無威儀好弄
喜兵嗜利狗色凌宗室潰亂無禮養死士爲群盜
江湖間及劫郡邑府庫財萬萬計術士李自然李

日芳妄言濠骨相天子也濠喜時時訶中朝事聞
謗言輒喜聞言明聖朝廷治即怒不應正德初
通逆瑾賂金錢無筭得復護衛安化王反瑾誅革
護衛未幾復結錢寧諸權奸又得復護衛益大肆
擅殺都指揮戴宣逐布政使鄭岳御史訖路幽知
府鄭璫宋以方盡奪諸附王府民廬副使世寧
言王橫絕道不早裁抑禮樂征伐不復出自朝廷
濠出金壁萬計遣庵余欽入京徧遺中朝内外文
武大吏朱寧蕭敬張雄張銳江彬陸完石玠欲殺
世寧不果謫戍遼東自是益復無顧忌日與李士

實劉養正王春謀不軌又見 武宗巡遊東宮久
虛令與寶萬銳益賂諸奸佞欲召其子大哥入宮
以上廟燒香爲名幸事萬一成得自取正德十二
年府典寶閻順內官陳宣劉良上變告濠疑出承
奉周儀意盡殺儀家及典仗查武數百人令承奉
劉吉持金錢又徧遺諸權奸佞幾殺順等於是逆
謀益急妃婁氏累泣諫不聽大集群盜凌十一閭
廿四吳十三等數千人置丁家山諸處四出行劫
置奄畢真鎮守浙江約起事爲應又約廣西土官
狼兵及南贛峒蠻是時士實養正春吉銳日夜與

濠謀恐起事以及名人心未服伺一日宴駕大位
未定乘變即起萬一事成益遣奸黠人盧孔章等
分布水陸孔道萬里傳報浹徃返踪跡大露朝
野皆知濠旦夕必反巡撫都御史孫燧日夜防遏
濠托勦賊名置郡邑城郭兵食事甚悉嘗嘆曰即
賊起吾不滅賊賊必以吾所處分故速滅又連上
七疏言濠友在旦夕濠諸奸邀諸途即不得諸權
奸得濠金錢多恐事洩并誅又幸冀非望徃徃匿
不聞十四年言官合詞言濠必反狀上遣駙馬
都尉崔元都御史顏頤壽太監賴義諭宸濠令改

過府中人以爲召濠六月丙子因諸司入謝濠酒
遂稱密旨反劫燧及副使許達燧達叱濠無反自
速死吾死不從汝爲賊遂殺燧達僞授士實太師
養正國師吉太監春尚書凌十一等都指揮急走
人令畢真反抗州爲應遣涂欽等攻九江南康王
春等發劾縣諸賊黨九江南康城破七月壬辰進
攻安慶知府張文錦守將崔文楊銳力禦不肯下
濠以江西僉事潘鵬安慶人造鵬招安慶文誅鵬
家濠議僭大號改年順德士實養正言宜至南京
正位然後改元布詔是時汀贛都御史王守仁已

傳檄遠近討濠濠不敢離南昌已而聞守仁兵未
集士實養正造僞檄指斥朝廷謂上以苛減鄣
高皇帝不血食建寺禁內雜處妓女胡僧玩弄邊
兵身衣異衣至於市井屠販下流賤品事靡不樂
爲棄置宗社陵寢而造行宮於宣府稱爲家裏贖
貨無厭荒遊無度東至永平諸處西遊山陝三邊
所過掠民婦女索取贖錢又謂常懸都太監牙牌
稱威武大將軍又謂既奪馬指揮妻稱馬皇后復
納山西娼婦稱劉娘娘原其爲心不能御女又將
假此婦人以欺天下抱養異姓之子如前所爲也

留萬銳拱條等守南昌僞勅吉提督軍務叅政王
綸叅贊軍務分諸賊爲五哨一百四十隊戊戌直
趨安慶庚子攻城不克甲辰以天梯攻又不克安
慶守益堅又聞守仁兵且至濠懼方欲退還南昌
丙午聞守仁辛亥破南昌擒拱條萬銳及濠子三
哥四哥濠大懼解安慶圍甲辰至樵舍乙卯遇守
仁兵黃家渡戰敗丙辰又敗丁巳守仁急督戰火
攻濠大敗婁妃投水死擒濠及其子大哥吉士實
養正等濠曰紂用婦言亡而我不用婦言亡上
初聞濠反江彬等幸出巡遊勸親征遂下詔暴其

罪惡告郊廟革封爵削屬籍親統六師征之詔未
下守仁已擒濠濠六月丙子反七月丁巳就擒濠
反謀雖久意僥倖倚奸入得竊位不欲顯言稱亂
及事急反始掠省城兵器燧已名討賊移外郡倉
卒不能備招賊又爲諸下邑過不得去諸僞將皆
賊徒未嘗知戰士實養正徒以區區文詞議論負
時名不知兵諸附者皆富貴子弟聞守仁倡義誅
討未及見兵皆逃避去燧所置初城過賊不得逸
盡就縛濠糧車至南京諸權奸得濠金錢者尚在
武宗左右或握兵間通語言濠謂且得釋獨忌

守仁有權術兵精慣戰不敢動回鑒至通州誅濠
弋陽王拱橫攝府事初獻王五子二子盤煇臨川
王天順五年罪廢爲庶人幽高墻三子盤姚宜春
王四子盤炷新昌王五子盤煥信豐王弋陽王者
靖王弟奠燧始封弋陽謚榮莊榮莊子覲鏢嗣弘
治十年卒謚僖順僖順三子長二子天季子宸泐
弘治十二年嗣正德九年卒謚莊僖莊僖次子拱
橫正德六年封鎮國將軍嘉靖元年攝王府事二
年嗣弋陽王二十年爲稍設官屬子多熉嘉靖五
年封鎮國將軍存者八

岷王

岷王榘初封岷州洪武二十六年建邸雲南二十八年之國建文初廢爲庶人流漳州靖難初復王土與西平侯沐晟交惡上賜書諭王召戒晟仍還鎮未幾驕橫收印章殺官吏激變夷人沉酒廢禮上怒罪其府僚奪冊寶尋念王建文日久囚繫復與冊寶洪熙元年徙武岡無王官寄居州治久之始建王官宣德元年岷世子徽煥輒赴京奏事勅止之途不止乃徽煥與奄謗其弟徽燦也上爲斬奄遣徽煥歸景泰三年乞移湖廣善地不

許王卒謚莊時徽燥已封鎮南王矣莊王無子鎮南王嗣王王弟廣通王徽謀反以蒙能陳仔李祥爲總兵事覺廢爲庶人四年王乞朝明年正月不許卒謚恭子音堃嗣卒謚子膺鉅嗣卒謚簡子彥汰弘治十七年以江陵王封世子嗣王嘉靖八年江川王膺燧請加祿戶部尚書梁材言岷府郡王歲祿五百石米鈔無支制也不許初彥汰與其弟南安王彥泥訐陰事彥泥廢爲庶人彥汰坐荒淫敗度抗制擅權幽囚嫡母焚死逼迫多官輔臣亦革爵爲庶人令其子世子與榮攝理府事

嘉靖十年舉榮爲父乞恩辭攝府禮官以見潛鍾
鏐比奏授彥汰冠帶理府事十二年彥汰乞復王
不許十五年上兩宮徽號詔復彥汰王

谷庶人

谷庶人穗母郭惠妃滁陽王女也生三王長蜀王
次代王次如魚王或曰卽谷王也洪武二十六年
建邸宣德卽上谷建文初靖難兵起庶人走還京
靖難兵至穗守金川門登城望見成祖麾蓋開
門迎成祖成祖入卽位賜穗樂七奏衛士三
百及金銀鈔馬加祿歲二千石官其護衛指揮僉

事張興都督僉事儀衛正張成都指揮使已而改
封長沙之國驕橫尚書茹瑋不謁櫬下詔獄死櫬
益肆無忌造戰船弓弩器械招匿亡命習兵法戰
陣日與都指揮張成宦者吳智劉信等謀呼成師
尚父智信國老令公成智信亦響應僞作議書以
爲議有十八云我高皇十八子陰傳播惑衆製
巧燈上獻擇壯士入朝架燈又選壯士習音樂與
燈並上乘隙爲變奪民田侵公稅殺無罪人長史
盧廷綱屢諫不聽誣磔殺廷綱張興懼禍及已因
奏事北京白其狀上未信興過南京啓太子

曰臣冒死聞上上顧不信臣言臣萬死願殿下
垂聽憶臣言他日得無連坐滅臣家臣死不朽
又遣劉信持所爲議致書蜀王爲隱語曰德蒼時
不可言桓文之事桓文時不可言德蒼之施欲結
蜀王爲援蜀王切責不聽已而蜀王子崇寧王悅
燭得罪父投樵樵納悅燭因詭衆曰往年我開金
川門出建文君建文君今在我宮中我將舉事爲
建文君復辟事將發會蜀王上變告永樂十四年
七月上見蜀王疏嘆曰朕待樵厚不宜有此心
蜀王忠孝又不宜欺我張興嘗爲我言我不忍信

今果然立命中官持勅諭樵令樵遣悅燁還蜀樵
不意使猝至不得已就徵十月至京入見上以
蜀王章示樵樵頓首自伏言死罪死罪成國公朱
勇都御史劉觀諸大臣廷劾樵曰周辟管蔡漢戮
安長皆大義滅親陛下縱令樵奈何上
曰樵朕弟朕且令諸兄弟議明年正月楚王楨等
各上議曰樵違祖訓謀不軌踪跡甚著大逆無
道罪誅不赦上曰諸王奉大義國法固爾吾寧
生樵二月削樵及其二子賦灼賦燾爵爲庶人誅
諸通謀者與以先發庶人罪狀得不坐

韓王

韓王松初封開原洪武二十七年三月上令王
及濟王省秦晉燕周齊王分道而行至秋八月始
還永樂五年卒塋南京謚憲子冲烱永樂八年嗣
二十二年改國平涼宣宗初請徙江南不許言
居第隘遣主事毛俊經度并建襄陵樂平二邸及
岷州廣福寺陝西守臣言歲歉詔止勿建王又言
傍廬已撤卽冬寒工力愈難宣宗令繕王宮罷
廣福寺又允王請蠲護衛三年屯種境內無鹽王
請鹽詔聽王易鹽正統元年上書陳邊防上褒

恭正統五年卒謚恭子範圯正統七年以開城王
嗣王九年卒謚懷弟範卿正統十一年以西鄉王
嗣王景泰元年卒謚靖子徵針景泰元年以高陵
王嗣王成化五年卒謚惠子偕流成化五年以廣
安王嗣王十年卒謚悼弟偕滿成化十二年以彰
化王嗣王弘治十四年卒謚康無子弟之子旭樾
弘治十七年以通渭王嗣王嘉靖十三年卒謚昭
子顯燧嘉靖十五年嗣請食鹽食茶戶部言茶易
戎馬鹽供邊餉不許世子謨興諸王惟韓土瘠祿
薄人衆甚省徃徃凌刼有司平涼知府吳世良鄺

珩任守德王松皆被寤辱施梔等百五十人至關
總制尚書嘉靖十五年撫巡黃臣周鈇疏於朝榜
諭禁戢

潘王

潘王模趙貴妃子洪武二十四年封永樂六年之
國潞州 宣宗時王言諸子婚請展府府垣外盡
民廬也 上曰毀民廬以展王府不可命工部往
關繪圖來聞宣德六年卒謚簡子信煒初封武鄉
王宣德八年嗣王景泰中王父子與州官數置酒
大會巡撫朱鑑上聞 上令諸王非時令萬壽節

不得輒會。有司飲酒著爲令。天順元年卒。謚康康。
王九子。長大次幼。塋天順三年。嗣正德十三年卒。
謚莊莊王。七子。長銓。鉅正德十三年以西陽王封。
世子嗣王嘉靖六年卒。謚恭。無子。次銓。鉢初封靈
川王。謚恭。懿以長孫胤移嗣。藩王贈潘安王恭王。
二子。長助。壯初封福山王。謚恭和。以子胤。禮嗣。藩
王贈潘靖王靖王。二子。長未名。封次胤。禮初管府
事後嗣王卒。嗣懷無子。安王銓。鉢四子。長助。潛初
襲父靈川王卒。謚恭。松以子胤。移嗣王贈潘惠王。
次助。燧。助。澈皆鎮國將軍。四子。未名。封惠王。二子。

長胤初襲祖靈川王懷王無子嘉靖十年諸郡王爭嗣王上冊胤移嗣王次胤旌封鎮國將軍管靈川王府事胤移五子長未名卒次恬燄封世子

安王

安王楹洪武二十五年封平涼永樂十五年卒謚惠無子國除盡革府僚及樂戶留典仗校尉百人守園洪熙初封韓恭王平涼襄陵莊穆王冲烱者恭王子也支封附王國中英宗令官校隸韓長史供安王祀殿日給襄陵王使令景泰五年冲烱

乞承祀安王正德十三年嗣襄陵王徵鈐遂請得樂戶祀安王明年樂平王徵鍾援鈐例亦請樂戶禮部言親王有樂戶郡王別城居者有事假鼓吹有司其附親王國者假樂戶移長史司因併革安王供祀樂戶嘉靖二年徵鈐及韓王旭樾又請上以安王故特允徵鈐徵鈐卒韓王融燧又令長史革祀安王樂戶徵鈐長孫旭種再請韓王融燧不許旭種上言禮樂自天子出韓王不得擅予奪融燧亦言親王郡王禮樂宜有降殺事下撫巡不能決條奏請制曰與樂戶爲安王祀也

唐王

唐王桎母李賢妃洪武二十四年封末樂六年建
國南陽十三年卒謚定子瓊桎末樂十九年嗣宣
德元年卒謚靖妃高氏米冊而王卒自經死追封
唐王妃靖王世子芝 卒弟瓊烜宣德三年嗣成
化十一年卒謚憲世子芝 先卒謚悼簡無子弟
芝址成化十三年以舞陽王嗣王二十三年卒謚
莊子彌錦以潁昌王嗣王嘉靖二年卒謚成無子
弟文成王彌鉗之子宇溫嘉靖四年嗣王贈父唐
恭王二十一年宇溫獻金千兩銀萬兩助建太廟

賜王帶一歲加祿二百石

郢王 皇子補

郢王棟母劉惠妃洪武二十四年封安陸三十七年治郢墾田成之國在國六年卒謚靖無子國除留內外官校守國供王祀妃郭氏武定侯英女王卒踰月妃痛哭曰賢王舍我去我寡婦也無子尚誰恃對鏡寫容付宮人又痛哭曰候吾諸女長與之令識母容也遂自經卒王四女宣德四年梁王之國移宮人居南京令諸郡主議婚舊國賜第南京太監王景弘資給女封光化毅城南漳郡主歲

加祿各八百石一天郢王弟伊王伊王弟楠楠於
諸子中最少洪武二十六年十二月生未逾月而
卒

伊王

伊王樸母葛麗妃洪武二十一年生永樂六年之
國河南歲祿僅二千石卒謚厲子顯映嗣請選宮
人不許令選之護軍家酬直勿抑勒卒謚簡子勉
澤正統八年封上洛王嗣王天順八年卒謚安子
諱鉞成化二年嗣十一年卒謚悼季弟諱鏐成化
四年封郟城王十二年嗣王正德三年卒謚定子

許淵弘治二年封世子正德六年嗣嘉靖五年卒
謚莊弟許淳弘治六年封濟源王嘉靖六年嗣王
許淳言祿薄先朝乞得河南課鈔五萬七千七百
貫准祿米八千嘉靖八年革諸王請乞稅租田湖
伊府課鈔亦在革中乞補祿戶部言伊祿二千石
通給本色 英宗加米五百石 憲宗又加麥一
百五十石課鈔本成化弘治正德年請乞非永樂
以前欽賜比况河南一省諸王缺祿八十餘萬不
許二十一年卒謚 子典模以世子嗣王

皇明同姓諸王傳第二卷終

子履準校正

皇明同姓諸王傳第三卷

吾皇編第十六

海鹽鄭曉

虞王

虞王雄英懿文太子長子洪武十五年五月巳酉朔卒追封虞王謚懷懿鍾山今侍臣素服步送

吳王

吳王允熲建文君弟懿文太子第三子洪武十年十一月生三十一年封杭州未之國建文四年七月靖難後降封廣澤王居福建漳州是年九月召還京以不能諫正建文君降庶人永樂十三年卒

英宗復辟出吳庶人居鳳陽者但有庶母姊姪老婦五六人時年八十矣

衡王

衡王允熲洪武三十一年封未之國建文四年七月降封懷恩王居江西建昌是年同吳王召還京廢爲庶人

徐王

徐王允熿洪武二十四年六月生生八年而封未之國建文四年七月降封敷惠王隨母呂太后居太子陵永樂二年改封甌寧王奉太子祀未遣之

簡
國四年二月邸中忽火起驚仆地卒年十六謚哀

建文君太子

太子文奎洪武二十九年十月晦生上曰十月
晦月日皆終不喜三十一年建文君即位立爲皇
太子靖難兵入京年七歲矣莫知所終

建文少子

少子文圭建文三年生生二歲建文君遜位靖難
後號爲建庶人者是也幽中都廣安宮英宗復
辟憐庶人無罪久繫禁欲寬庶人李賢贊曰堯舜

心也請於 太后出於鳳陽歲給新米聽婚娶出入自便又與閹者二十人婢妾十餘人給使令遣奄牛玉入禁諭庶人庶人伏地頓首謝且喜且悲有阻議者 上曰有天命者任自爲之庶人入禁時纔二歲年五十六七始出鳳陽不識牛馬世傳成祖入宮時建文君有幼子老媪教之牽 成祖衣哭跪前求食曰孩兒餓矣饑殺孩兒矣 成祖亦哭曰汝生帝王家寧有餓死理命善撫之不知此建文君第幾子抑即太子少子也或曰牽衣哭者 成祖育諸宮中未詳

漢庶人

漢庶人高煦 成祖第二子初 太祖召秦晉燕周四世子及庶人輩學於京師顧不肯學日遊嬉輕躁無行建文即位初 仁宗及庶人奔喪京師舅氏魏國公徐輝祖密戒之不聽盜輝祖馬不朝辭渡江走歸途中輒殺民吏至涿州又殺驛丞其凶橫淫荒狡黠險狠跋扈不可御久矣靖難兵起仁宗居守庶人有膂力善騎射從行頗有功江上之戰靖難兵稍却庶人適引胡兵至戰勝已而議建儲藩府舊臣淇國公丘福駙馬王寧善庶人時

時稱二殿下功高 成祖曰居守功高於扈從儲
貳分定於適長且元子仁賢真社稷主汝等勿復
妄言末樂二年立東宮封庶人漢王國雲南快快
不肯去曰我何罪斥我萬里改青州又快快不肯
去曰我何罪置我瘠土留京師又請得天策衛爲
護衛曰唐太宗天策上將吾得之豈偶然又益請
兩護衛曰我英武豈不類秦王 成祖狩北平庶
人益不法陰蓄壯士肆出盜劫兵馬指揮徐野
驢擒之庶人怒手鐵爪撻殺徐指揮衆與敢言遂
偕用天子車服十四年 成祖巡北京聞不豫逆謀

益著 成祖聞之怒促駕而還召庶人褫冠衣囚
繫西禁門條其罪惡數十事且誅之 仁宗頰首
伏地涕泣力救久之削兩護衛誅其左右狎昵徙
封樂安州促即日行 成祖顧謂東宮及太孫曰
樂安近北京卽開變朝發可夕擒至樂安怨望異
謀益急東宮數書戒竟不悛 成祖北征晏駕庶
人子瞻圻在北京凡朝廷事潛遣人馳報一晝夜
六七行庶人日亦數十遣人入潛伺京師幸有變
仁宗固知之顧益厚遇書召至倍加歲祿賜資萬
計先是瞻圻憾父殺其母屢發父過惡 成祖曰

尔父子何忍也至是庶人悉上瞻圻前後覘報中
朝事又曰廷議旦夕發兵取樂安 仁宗召示瞻
圻曰汝處父子兄弟間讒構至此稗子不足誅遣
鳳陽守皇陵二十二年十月封庶人嫡子瞻坦爲
漢世子次瞻塗濟陽王瞻域臨淄王瞻埤昌樂王
瞻埒淄川王瞻坪齊東王瞻塿任城王瞻垓海豐
王瞻塿新泰王未幾 仁宗大漸 宣宗自南京
奔喪即位賜二叔視他府特厚庶人日有請及言
朝政 上曲徇其意索駝與之駝四十索馬與之
馬百二十索袍服又與之袍服庶人益自疑宣德

元年八月壬戌朔遂反遣枚青潛來京約英國公
張輔內應輔暮夜繫青聞於朝又約山東都指揮
靳榮等反濟南爲應又散弓刀旗令真定諸衛所
盡奪傍郡縣畜馬立五軍都督府指揮王斌領前
軍韋達左軍千戶盛堅右軍知州朱恒後軍諸子
各監一軍庶人率中軍世子瞻垣居守指揮韋弘
韋興千戶王王李智領四哨部署已定僞授王斌
朱恒等太師都督尚書等官御史李濬樂安人棄
其家變姓名間道詣京上變言庶人刻日取濟南
然後率兵把關陞濬行在左僉都御史遣中官侯

恭賜書庶人言昨接青來言叔督過朝廷予不信
皇考至親惟二叔子所賴亦惟二叔小人離間不
得不敷露中懇且傳播驚疑或有乘間竊發者不
得不略爲之備惟叔鑒之恭至樂安庶人盛兵見
恭傲倨不拜勅南面坐跪恭大言曰末樂中信讒
削我護衛徒我樂安 仁宗徒以金帛弭我今又
慝云 祖宗舊制殊令我鬱鬱豈能久居此汝試
觀我士馬豈不橫行天下汝歸報急縛奸臣來徐
議吾所欲恭懼唯唯還 上問庶人何言對無所
言又問庶人治兵何如對無所見 上曰恭二心

已而錦衣官從泰往者具陳所見上大怒泰是

月丁卯庶人遣百戶陳剛進疏言仁宗違洪武

求樂舊制與文臣誥勅封贈今修理南巡席殿等

事爲朝廷過斥三三大臣夏原吉等爲奸佞並索

誅之又書與公侯大臣驕言巧詆污駸乘輿上

嘆曰庶人果反立召張輔諭親征輔對曰庶人素

怯懦今所擁非有謀能戰者願假臣兵二萬擒獻

闕下上曰卿誠足擒賊顧朕新即位小人或懷

二心行戾矣令大索樂安奸謀乙丑勅遣指揮黃

謙同總兵平江伯陳瑄防守淮安勿令賊南走令

指揮內助守居庸關令法司盡弛軍旗刑徒從征
戊辰命定國公徐景昌彰城伯張昶守皇城安鄉
伯張安廣寧伯劉瑞圻城伯趙榮建平伯高遠守
城已巳命豐城伯李賢侍郎郭璉郭敦李昶督軍
餉命鄭王瞻埈襄王瞻墻留守北京廣平侯張容
武安侯鄭亨都督張昇山雲尚書黃淮黃福李友
直協守輔少師蹇義少傅楊士奇少保夏原吉太
子少傅楊榮太子少保吳中尚書胡濙張本通政
使顧佐扈行陽武侯薛祿爲先鋒辛未發京師癸
酉過楊村馬上顧問從臣曰試度庶人計安出或

對曰樂安城小彼必先取濟南爲巢窟或對曰彼
曩不肯離南京今必引兵南去上曰不然濟南
雖近未易攻聞大軍至亦不暇攻護軍家在樂安
不肯棄此去南京庶人外多跨詐內實懦怯臨事
狐疑展轉不能斷今敢反輕朕少年新立衆心未
附又謂朕不能親征卽遣將來得以甘言厚利誘
弭幸成事今聞朕行已膽落敢出戰乎至卽擒矣
戊寅獲樂安歸正人益知賊中虛實言賊初約靳
榮取濟南山東布按二司官覺之防榮不得發又
聞大軍至不敢出賊恒應天人力言宜引精兵趨

南京得南京大事成矣幾不從曰尔顧得赴家柰
我輩何又曰庶人初聞陽武侯等將兵攘臂喜曰
此易與及聞親征始懼於是授歸正人官厚賞給
榜令還樂安諭衆上仍書諭庶人曰張敖失國
本之貫高淮南受誅成於伍被今六師壓境王即
擒獻倡謀者朕與王除過恩禮如初不然一戰成
擒或以王爲奇貨縛來獻悔無及矣上英暢神
武詞旨明壯我師氣盛龍旗鉦鼓千里不絕庚辰
祿馳奏前鋒至樂安庶人約明日出戰上令大
軍蓐食無行文大臣請慎重武大臣曰林莽間或

設伏百里趨利不可 上曰兵神貴速我抵城下
營彼阱中虎爪牙安施大軍至烏合之衆方洶洶
何暇設伏遂行夜分至陽信時慶雲陽信吏人皆
入樂安城無一來朝者辛巳昧爽駐蹕樂安城北
城中黑氣黯黯我兵壁其四門賊乘城舉砲我軍
發神機銃箭聲震如雷城中股慄諸將請即攻城
上不許勅諭庶人再遣勅皆不荅圍中人多欲執
獻庶人者庶人密遣人詣行幄願假今夕訣妻子
明日出歸罪 上許之是夜庶人盡焚兵器及通
逆謀書壬午移蹕樂安城南庶人將驍戰王斌等

力止曰寧一戰死無爲人擒庶人紿斌等復入宮
遂潛從問道出見上群臣請正典刑不允以劾
章示庶人頓首言臣罪萬萬死惟陛下命上
令庶人爲書召諸子同歸京師赦城中罪止同謀
脇從者不問遂執王斌等下行錦衣獄癸未令祿
尚書張本鎮撫樂安改樂安爲武定八月乙酉班
師命中官頌繫庶人父子赴北京錦衣械繫王斌
朱恒盛堅興仗侯海長史錢異教授錢常至京皆
伏誅惟長史李默以嘗諫免死謫口北爲民誅榮
榮子義天津鎮守都督孫勝山西都指揮張傑楊

雲青州左衛指揮使 誠滄洲衛指揮鄭典皆約
舉城應者先納軍馬糧仗數事覺相繼誅六百四
十餘人其故縱與藏匿坐死戍邊者一千五百餘
人編邊氓者七百二十人初庶人被執鎖繫逍遙
城一日 上欲往視左右止之不聽及至熟視久
之庶人出不意伸一足勾 上仆地左右急扶起
亟命壯士舁銅缸覆之缸約重三百斤庶人有力
項負之輒動積炭缸上如山然炭逾時火熾銅鎔
庶人死諸子並死

趙王

四皇子

趙王高燧

成祖第三子永樂元年封彰德洪熙

元年就國王負靖難功密與漢庶人謀奪嫡時時
諸東宮傷其官寮繫獄多死者永樂二年居守北
京信用邪說恣行不法七年上聞之大怒誅其
長史顧晟褫王衣冠東宮力解得免擇國子司
業趙亨道董子莊爲長史二人能輔導王稍稍改
行二十一年五月上不憚護衛指揮孟賢等結
屠官王射成及內侍養子造僞詔俟晏駕詔從中
下立趙王總旗王瑜有姻家高以正者爲賢等畫
此謀謀定告瑜瑜上變告上曰豈應有此立捕

賢得所造詔誅賢射成以正及內侍諸養子升瑜
遼海衛千戶王大懼又稍稍斂戢 仁宗卽位加
漢趙二王祿歲二萬石通前三萬石封王長子瞻
坡爲趙世子次瞻塙爲安陽王 宣宗初卽位賜
田園八十頃漢庶人反誅班師至單橋陳山迎駕
遂言曰趙王與漢庶人逆謀久矣今宜藉此兵威
移指彰德擒趙王否趙亦反側不自安異日復勞
聖慮 上不聽楊士奇亦以爲不可山又請尚書
蹇義夏原吉言方略邀二人共請 上意不忍曰
漢趙二弟漢王自絕於天朕不敢赦趙王反形

未著朕終不忍負先帝也高煦至京又言嘗遣駱
指揮阮內使與趙通謀上以漢庶人詞群臣章
遣廣平侯持示王王大懼上還常山中護衛及
群牧所儀衛司官軍校上與儀衛司是年瞻埽
卒年十七謚悼僖王在位二十九年宣德六年卒
謚簡瞻塙宣德七年以安陽王嗣王卒謚惠子祈
嗣卒謚悼子見嗣卒謚靖子祐棣嗣卒謚莊子
厚煜嗣四皇子未封卒

鄭王

鄭王瞻埽

仁宗仲子母李

妃永樂二十二年

封漢庶人反王與襄王居守宣德四年之國鳳翔
王請安王竹園韓王以安王舊邸得竹園上曰
園在鳳翔去平涼遠與鄭王便正統八年乞徙徙
懷慶留京邸明年之國成化二年卒謚靖子祁鏌
成化四年嗣乞河壩地弘治八年卒謚簡世子見
滋卒以子祐杓封世子弘治十年嗣王贈父鄭僖
王祐杓正德二年卒謚康無子見滋弟東垣端惠
王見漬以子祐樸正德四年嗣王贈鄭定王祐樸
十六年卒謚懿子厚烷嘉靖六年嗣車駕南巡王
來迓賜幣物加祿歲三百石

新王

新王瞻塋末樂十九年卒贈新王謚獻塋京師西山

越王

越王瞻塋末之國 宣宗賜昌平縣莊田四十頃
卒謚靖妃吳氏謚貞惠塋京師西山無子國除已
巳之變虜入王墳廬掠祭器去

襄王

襄王瞻塋母 昭皇后末樂二十二年封末之國
上崩監國漢庶人及留守宣德四年之國長沙正

統元年遷襄陽七年來朝景泰三年乞得山地百頃奪門時石亨等欲殺于謙王文謂謙等通奄王誠盜金符迎王英宗因詔王來朝相見甚歡宴便殿王避席請曰臣過汴汴父老遮道言按察使王槩賢誣下詔獄臣途中詢槩人咸謂槩冤願皇上加察上立命法司雪槩王辭歸上送至午門王伏地不起上曰叔父欲何言王頓首曰萬方望治如飢渴願皇上省刑薄斂上拱手謝曰敬受教四年又來朝上爲峴山漢水賦襄陽四景歌賜王成化十四年卒年七十二謚憲長

子祁鏞正統八年封世子成化十五年嗣弘治元年卒謚定定王三子長見淑成化十六年封世子弘治二年嗣明年卒謚簡簡王二子祐材弘治三年封世子明年嗣與邸爭地灘逮七十二家獄久不決大理卿汪綸兩解得已十七年卒謚懷無子弟祐檟弘治四年封光化王正德中嗣王嘉靖四年卒謚 棗陽王者名祐想嘉靖初上疏乞尊崇本生考妣爲帝后入廟祀又上言乞許宗、執業爲士農得自贍免飢寒無煩朝廷歲祿下禮部議不許

荆王

荆王瞻堦母張順妃永樂四年生二十二年封宣德四年之國建昌乞南城縣司獄又乞近閑田正統四年改蘄州景泰元年十二月上疏請朝上皇不許四年卒謚憲二子長杲鎬正統八年封世子景泰六年嗣天順五年卒謚靖靖王三子長見瀟天順中嗣弘治五年坐不法命太監蕭敬駙馬都尉蔡震都御史戴珊召王至弁其長子祐柄降庶人遷置武昌見瀟弟見濤成化二年封都梁王十三年卒謚悼惠其妃何氏賜自盡子祐櫜弘治

七年以都梁王進封荆王十七年卒謚和和王二子長厚烜弘治十六年封世子正德二年嗣嘉靖中病辭祿不允王二子長戴盛嘉靖九年封末定王末定王一子

淮王

淮王瞻塿母李賢妃末樂二十二年封宣德四年之國韶州開府府治正統元年遷饒州十一年卒謚靖子祁銓正統十三年嗣卒謚康世子見濂早卒見濂第清江王見濂以子祐榮嗣贈淮端王祐榮弘治十八年嗣王嘉靖三年卒謚定無子第鎮

國將軍祐楨嘉靖四年嗣王十六年卒謚莊厚
嘉靖八年封世子十七年嗣

滕王

滕王瞻埴母郭貴妃永樂二十二年十月封宣德
改元卒年十七謚懷堊京師西山無子國除其長
史姚友直事王王喜其恭謹 宣宗愛王爲陞友
直雲南左叅議掌長史司事

梁王

梁王瞻埴母恭肅郭貴妃永樂二十二年封即郢
邸開府宣德四年之國承奉孔勤侮言王 上曰

梁王朕親弟奴敢如是逮勤王又爲解 上曰羣
奴湯王耳竟誅勤未幾上表不恭有司請治長史
上以王故特不問襄獻王自長沙徙襄陽過安陸
王出迎明日獻王入城相見歡甚又明日辭去王
泣曰嗟乎吾兄弟不得更復相見柰何正統元年
上言府卑濕乞更爽塏地 上曰郢中歲屢歉俟
有秋理之竟不果徙六年卒謚莊塋安陸妃紀氏
繼魏氏無子國除景泰二年魏妃卒妾張生女二
皆封郡主封張王夫人掌王宮事成化十六年亦
卒梁故盡得郢田宅園湖後皆賜襄王 睿宗封

安陸得梁郢邸出供二王祀事

衛王

衛王瞻延未之國 仁宗簡舊宮臣司直金寔爲
王左長史宣德初凡郊社陵廟禮每命王攝事正
統三年卒謚恭妃楊氏謚貞烈無子國除

許王

許王見淳 英宗子母王惠妃王生時 英宗北
狩未還景泰廢太子封沂王也并封沂王弟見清
樂王見淳許王景泰三年十一月許王卒於京師
禮部請喪用親王禮內批王幼殺其禮謚悼葬西

山

德王

德王見濬天順元年三月六日復東宮是日立德
秀崇吉四王歲祿各本色萬石德王初封德州改
濟南成化二年就國二十一年請業南旺湖以漕
渠故不許正德十三年卒謚莊子祐榕正德十六
年嗣嘉靖十九年卒謚懿子厚燉十二年封世子
卒謚懷順世子載塔十九年嗣贈厚燉德懷王景
泰元年五月丁未正使都督張軏副使太子太保
吏部尚書何文淵持節封裕陵第二子見清爲榮

王或曰即德王也又有三皇子未封卒

秀王

秀王見澍母高淑妃景泰三年生王於南城成化三年封國汝寧左長史劉誠獻王千秋日鑒錄王大喜之國時淹於途民以爲擾左張爲言王輒急行抵國宦豎言王居隘請移先師廟廣王居王不聽一日兩長史講書西伯戡黎左長史主吳氏說曰戡黎者武王也右長史趙銳主孔氏說曰文王寔戡黎爾長史辯大爭王徐曰先皇簡立先生輔余經義即未有定論何嫌往復乃爾動色兩長史

皆頓首謝王卒謚懷藝京師西山妃黃氏無子國
絕王有宮人陳氏召還京成化中特封爲夫人

崇王

崇王見澤天順元年封成化十年之國汝寧弘治
八年 孝肅太后思見王 上勅召王朝禮官倪
岳言二年間三王之國郡縣供需兵民皆困崇王
後來往返勞費何以堪兼水溢旱蝗舟車所經恐
有他虞親王來朝雖有故事然自洪熙宣德以來
已鮮舉行 英宗復辟襄王奉詔來朝雖篤敦叙
之恩實塞疑諛之際宜勿召王便初 上不允岳

言已而中止十八年卒謚簡簡王四子長祐樂弘
治中嗣正德六年謚靖靖王四子長厚燿正德九
年嗣嘉靖十六年卒謚恭長子載境八年封世子
十七年嗣乞修府下巡撫議費銀八萬七千兩工
部言親王修府例役護儀牧人不得輒勞民上
不允十九年王請父恭王墓表禮部言韓府襄陵
莊穆王卒憲宗嘗允其子範址請令詞臣撰銘
刻石崇王曾祖皆嘗賜墓表請如王奏上若曰
宗室薨逝給壙誌此祖宗典制安得有賜表事
襄陵王立石已非例崇兩王表墓皆先朝誤恩後

有王家乞請禮部宜考累朝體例議覆

忻王

忻王見治母宸妃天順二年生生九歲而封封七年未之國卒謚穆塋京師西山

吉王

吉王見沒國長沙陳友諒初據長沙友諒誅長沙稅畝特重民流移多荒棄王因請得賜名鷄鵝食田十二萬畝徵租尤重嘉靖初令減十五嘉靖六年卒謚簡一子祐扶弘治四年封常山王正德四年進封吉世子五年卒謚悼莊二子長厚煇正德

十四年封吉世孫嘉靖八年嗣王十年贈父吉悼
王明年乞長沙府湘潭商稅邸租不許卒謚定二
子長載均嘉靖十五年封光化王十九年嗣王

徽王

徽王見 成化十七年之國鈞州歲祿本色萬石
妃黃氏與秀王妃兄弟也弘治二年乞陞州爲府
吏部尚書王恕言肅藩荆岷皆封州鈞不得獨陞
府從之王卒謚莊子祐檯正德三年以興化王進
世子嗣嘉靖四年卒謚簡子厚燭嘉靖五年以安
邑王進世子嗣厚燭父子繼請陞鈞州爲府朝議

不許嘉靖中車駕南巡王廷逖恭加祿歲三百石
侑金幣

懷獻太子

懷獻太子見濟 景帝長子毋杭妃景泰三年四月
思明土酋黃玠者初以功授丘溫衛指揮歷陞
廣西都指揮使守備潯州思明土知府瑯庶兄也
瑯老子鈞襲知府玠欲殺鈞奪知府與其子矯軍
門令徵兵思明令其子糾諸心腹驍悍數千人去
府城三十里結寨夜馳破府城滅瑯家支解瑯父
子納甕中瘞後圃即引衆還寨明日報至佯不知

驚哭仆地走思明發喪尋瑠父子屍不得又慟哭
仆地揮淚遣人告玠急捕賊復此家門大讐方玠
子殺瑠時瑠有僕福童見玠子并識其左右人脫
走憲司訴玠父子殺瑠父子狀郡中人亦皆知賊
本玠父子也左副總兵武毅疏聞于朝玠大懼謀
於侍郎江淵令遣千戶袁洪走京師上奏請廢太
子立見濟爲太子疏曰太祖百戰艱難取天下期
傳之萬世往年 上皇輕身禦虜文武將吏十喪
八九駕陷虜廷寇至都門幾喪社稷不有 皇上
臣民何歸今且踰二年皇儲未建臣惟人心易搖

多言難定爭奪一萌禍亂不息 皇上即循遜讓之美復全天敘之倫恐事機叵測反覆靡常語曰天與不取反受其咎近日仰觀天象土星逆行入太微垣與諸災變皆可畏愕願早留意萬一羽翼長養勢權轉移委愛子於他人寄空名於大寶階除之下變爲寇讐肘掖之間自相殘憾此時悔之晚矣乞與親信文武大臣密定大計以一中外之心絕覬覦之望疏入 景帝大喜曰萬里外有此忠臣亟下廷臣會議且令釋圻罪陞都督是月乙酉禮部尚書胡濙侍郎薛琦鄒幹集文武羣臣廷

議衆相顧莫敢發遲疑久之司禮太監興安厲聲
曰此事不可已即以爲不可者勿署名無得首鼠
持兩端群臣皆唯唯署議於是淡等暨魏國公徐
承宗寧陽侯陳懋安遠侯柳潯武清侯石亨成安
侯郭晟定西侯蔣琬駙馬都尉薛桓襄城伯李瑾
武進伯朱瑛平鄉伯陳輔安鄉伯張寧都督孫鏜
張輓劉添張通郭瑛劉鑑張義錦衣衛指揮同知
畢旺曹敬指揮僉事林福尚書王直陳循高穀何
文淵金濂于謙俞士悅左都御史王文王翱楊善
侍郎江淵俞山項文曜劉中敷沈翼蕭鎡王一寧

李賢周瑄趙榮張敏通政使李錫通政樂憚王復
叅議馮貫卿蕭維禎許彬蔣守約齊整李賓少卿
張固習嘉言李宗周蔚能陳誠黃仕雋張翊齊政
寺丞李茂李希安柴望鄺鏞 詢王溢翰林學士
商輅六科都給事中李讚李傑李春蘓霖林聰張
文質十三道御史王震朱英涂謙丁泰亨强宏劉
琚陸厚原傑嚴樞沈義楊瑄王驥左鼎上言父有
天下必傳於子陛下膺天明命中興邦家統緒之
傳宜歸聖子黃玠奏是制曰可朕上請 聖母上
聖皇太后太后言予老矣願宗社安天下得太平

人心既如此不可拂朕敬承慈命禮部具儀擇日以聞即日簡置東宮官翰林章濂直四人太子太師溥循穀謙四人太子太傅輓文淵濂南京禮部尚書儀銘士悅工部尚書無大理卿石璞都御史鑑文翽九人太子太保淵一寧滋三人太子少師山太子少傅錫維禎兵部左侍郎俞綱都御史羅通四人太子少保輅兵部左侍郎兼左春坊大學士中敷太子賓客嘉言詹事文曜琦少詹事榦左庶子侍讀彭時侍講劉儼左右春坊大學士周旋趙恢左右庶子修撰林文侍講徐理左右諭德修謨

李紹侍講劉定之司經局洗馬侍講楊昇倪謙呂
原修撰柯潛左右中允李侃御史魏齡詹事丞編
修周洪謨劉俊檢討錢溥編修岳正左右贊善編
修周安李泰林聰典籍鄒循左右司直郎侍書陳
穀徐似監丞鮑相縣丞高誠左右清紀郎檢討曾
進傳宗五經博士陸藝典籍李鑑左右司諫編修
王輿校書中書舍人劉鉞趙昂正字教諭劉潔錄
事序班楊欽王政周寧傳榮通事舍人凡東宮公
孤皆支二俸五月甲午立見濟爲皇太子廢汪皇
后立見濟母杭妃爲皇后詔曰天佑下民作

之君
實遷

安於四海父有天下傳之子斯本固於萬年大赦
天下先是一日陳儀仗奉天門有男子執赤挺直
入擊香亭奮呼曰先打東方甲乙木諸內使急縛
男子詔付錦衣獄瘐死乙未以東宮令大賞文武
官吏軍士丙申禮部言太子冲年百官朝朔望丁
未柳溥于謙克正副使持節更封太子爲沂王癸
丑以立太子故賞諸親王公主乙卯賞邊鎮文武
內外羣臣又加賞內閣陳循高穀學士江淵王一
寧蕭鎡商輅各董金五十兩六月以后兄杭聚爲
錦衣正千戶四年二月乙未太子冠命胡濙持節

掌冠高穀贊冠蕭鉉宣戒勅甲辰冠沂王及其弟
榮王命陳循于謙持節掌冠何文淵儀銘贊冠商
輅宣戒勅十一月以御史張鵬言簡東宮師傅講
讀官上命胡濙王直陳循高穀王文儀銘江淵
蕭鉉俞山俞綱商輅日更番侍班彭時日專講書
李傑李齡錢溥劉吉日專侍讀書王謙趙昂更日
侍書越四日太子薨謚懷獻葬西山天順元年降
稱懷獻世子

悼恭太子

悼恭太子祐極 憲宗長子成化七年十一月己

西立爲皇太子是年十二月上旬彗星見東方未幾皇太子卒塋西山

岐王

岐王祐 封德安弘治中請迎母養不許許諸王有子別居者得迎養其母母有子多亦從一子無子者移別宮著爲令王卒謚惠妃王氏塋西山國除

益王

益王祐檣封江西建昌母張德妃德妃生王及衡王汝王茂陵諸王皆歲祿本色萬石弘治中進馬

嘉靖十五年奸人班明誣昌國公通王有逆謀得
白十八年卒謚四子長厚燁正德四年封世子
今嗣王弟崇仁王厚炫金溪王厚煌玉山王厚燦
凡三王嘉靖初廷臣請以崇仁王後睿宗嗣興
王不許厚炫五子載增封長子次載環載坑載堞
載壤厚煌一子載學載增一子未名

衡王

衡王祐樞成化二十三年封青州卒謚恭子厚燾
初封江華王嘉靖十年卒封世子十八年嗣王有
賢行

雍王

雍王祐 封衡州弘治四年之國十一年邸震壞
正德二年卒謚靖妃吳氏葬西山國除 孝惠邵
太后三子 睿宗及岐雍二王也

壽王

壽王祐楮封保寧政常德嘉靖
年卒謚 無
子國除壽王有兄八皇子未封卒

汝王

汝王祐椿封衛輝弘治十四年之國正德十五年
王以婚故請預支食鹽十年年三百引 上曰王

以婚禮請宜別給長麓鹽三千引食鹽如故嘉靖
十八年車駕南巡王迓於途甚恭上喜加祿歲
五百石賜金幣

涇王

涇王祐樞母楊恭妃弘治四年封十五年之國沂
州卒謚簡妃曹氏子厚烜嗣病辭祿不許未幾卒
謚無子國除葬西山長史沈煥以王卒故改南
京鴻臚少卿

榮王

榮王祐樞母潘端妃弘治四年封常德正德初留

京邸劉瑾惡王與吏部尚書張綏謀逐王就國王
嘗爲諸子請得食鹽菜戶嘉靖四年請沅江西港
天心團坪淶池河泊稅八年盡取諸稅供王祿十
八年卒謚莊六子長厚勲正德中封世子嘉靖十
一年卒謚懷穆子載瑾嘉靖十八年封世孫嗣贈
其父榮懷王

申王

申王祐楷涇王同母弟也成化二十三年生生五
年而封封十一年而冊妃項氏又明年而卒謚懿
恭京西蘭山無子國除王邸建於四川敘州未之

國嘉靖中弼邸僅得銀萬兩

蔚王

蔚王厚

孝宗第三子母

孝康皇后早夭謚悼

葬西山

岳王

岳王

睿宗長子母

慈孝皇太后弘治十三年

六月生生五日而卒嘉靖初贈岳王謚懷墓在承

天

睿宗子女五長岳王次長寧長公主生四歲

卒次善化長公主十歲卒初皆封郡主嘉靖初贈

長公主又次鄔公主又次謝公主皆婚而卒駙馬

都尉鄔景和謫居蘓州謝詔掌宗人府事三十九年四月賜岳王名厚熙

靖江王

靖江王守謙 太祖長兄南昌王之孫也南昌王從祀廟庭子文正少孤其母王氏守節撫文正依太祖太祖愛之比長涉傳記有才略從渡江克太平破陳也先取建康握樞密院同僉辛丑改院爲大都督府文正爲大都督節制中外諸軍事尋統元帥趙德勝等鎮守南昌號令明肅癸卯四月陳友諒圍南昌用雲梯攻其百道進擊文正主畫軍

中隨方應敵剪獲甚衆友諒獲吉安守將劉齊朱叔華臨江同知趙天祐徇城下文正不爲動至六月援兵不至文正遣千戶張子明告急建康敵攻城益急文正遣捨命王詣友諒營詐約降友諒緩攻及期城上旗幟一新至暮不出友諒縛捨命王城下殺之子明從水關潛出夜行晝止半月始達建康上問友諒兵若何對曰彼兵雖盛戰鬪死者亦不少今江水日涸賊巨艦將不利又師久乏糧若援兵至必可破上謂子明汝歸語文正堅守一月吾當自取之子明還至湖口被執友諒使

呼文正出降子明陽許之至城下呼曰大軍旦夕
至諸君宜固守以待友諒殺子明文正守益堅七
月 上統舟師二十萬來援友諒始解圍逆戰鄱
陽湖竟敗死禁江口甲辰文正遣部將何文輝等
討平江西未附州縣吳元年春江西按察使李欽
米言文正驕僭不遜有怨言 上詰責大懼謀叛
降張士誠 上大驚曰嗟此子不才至此非吾自
行不可即日登舟至南昌泊城下召文正文正倉
卒出謁 上泣曰汝何爲輒起此意遂載與俱歸
群臣勸請伏法 上曰吾兄惟此兒免文正官安

置桐城召其子鐵柱語之曰兒無恐爾父違訓教
忘艱難恣兒狡貽我憂我育汝汝長且封汝我終
不以汝父故廢汝未幾文正卒洪武三年封鐵柱
靖江王改名煒又改名守謙國於桂林桂林獨秀
山前有元順帝潛邸改爲王宮未幾以淫虐廢爲
庶人使田鳳陽閏七年復其王使居雲南賜璽書
戒諭比至雲南益貪暴召還安置鳳陽又橫恣不
法召至京捷而錮之二十五年卒子贊儀尚幼
上憐宗室諸王皆無後命爲世子留京師贊儀恭
慎好學能書洪武三十年春遣省晉燕周楚齊蜀

湘代肅遼慶谷秦諸王先自楚湘入蜀歷陝西出
河南上山西抵大同宣府北平東至大寧遼東轉
於山東擇文武忠厚之士以從以贊儀年幼欲其
知親親之義且令涉山川險易也永樂中遣之國
卒謚悼僖子佐敬嗣卒謚莊簡子相承嗣卒謚悼
順子規 嗣卒謚昭和子約麒嗣卒謚 子經
扶嗣卒謚安肅子邦聲嘉靖六年嗣先是靖江府
食鹽歲給銀廣東至桂林市鹽至是乞支本色不
許又乞桂林府稅銀亦不許

皇明同姓諸王傳第三卷終

于履準校正

附異姓三王傳

海鹽縣志

揚王陳公也建國之初 上念 淳皇后母家贈
后父陳公爲揚王母揚王夫人立祠 太廟東歲
遣大臣祀洪武三年中都守臣上言伏惟 皇上
肇紀開天功德殷茂隆周恩於甥舅陋漢禮於靈
文眷惟陳氏本乏胤宗更迷玄窆軫心揮涕日夕
靡遑臣等旁詢父老徧歷村墟得陳公塋地在下
縣盱眙風氣包凝天地之藏如故樵蘇絡繹樊衛
之禁甚疎宜崇華表兼建廟祠臣又聞諸人言公

本維揚尺籍富宋祚將傾尾蹕南遜師住海島將
殞君崩士卒死溺莫可數計公舟破中濤脫死登
岸招携瘡殘匍匐沙嶼累石支釜調糜苟活已而
食盡自分天亡旁有死馬衆欲烹食曰我等餓且
死食死馬肉亦死死等食馬肉死死得爲飽鬼公
夢白衣人謂公勿食馬肉吾舟挈汝恍惚未信俄
夢如初是夜未央櫓聲入耳若寤若寐復有紫衣
人杖觸公胯曰舟且至奈何不起公驚立熟視身
在艤中食頃颺發舟如輪轉公夙諳巫呪叩齒揮
神須臾風濤靖恬檣柁寧捷舉皆謝公共進酒食

比至通州復饋巨魚歸於故里厭棄弓矢假藉符
術避地盱眙津里鎮久之始生二女季即 淳皇
后也作配 仁祖誕育 聖躬公卒年九十有九
臣等無任嗟異伏惟宋元之交華綱塗地戎貫滔
天神胃攸鍾乾靈未殞 淳皇后之有父乃 皇
上之有母也豈偶然之故哉臣等昧死奏 上曰
朕固聞之立命中書省爲朕外王父揚王廟盱眙
墓次置灑埽戶三家設祠祭署有司歲仲春秋祀
召儒臣宋濂爲文神道碑

徐匯馬公 高皇后笑也洪武四年六月丙申

上坐皇宮門召禮部尚書陶凱論曰 皇后德懋
塗辛功高任奴左朕布衣求清寧海寔惟慶宗發
此靈胤惟后父馬翁世籍宿州鄉縣閔子少力耕
農邠勤魏儉長負膂力虎視鷹揚疾惡如讐折順
如狎墟中敬憚莫敢頡頏元末使氣殺人歲命定
遠已而江淮繹騷閭井飢困避地轉徙蓄器俟時
謀諸室人鄭媼乃以愛女託諸好友郭子興子興
定遠豪俠首難稱雄衆推元帥收召民兵朕逆歸
麾部積著勲庸子興顧朕喜曰行且爲汝擇配又
曰莫如吾女乃詒朕甥廬荐成嘉禮又曰吾女馬

公季女也惟吾夫婦愛如已女音本嗣徽祥由天
定朕時敬諾周旋有年既登大寶遂正軒龍褒贈
翁爲徐王媼徐王夫人物色嗣昆並遭閼天朕悲
悼益深情文未備立廟 太廟之東歲時奉祠顧
族類有別典禮無稽始卽王塋闢地作廟奉安神
靈歲仲春秋俾有司祇供祀事汝凱宗伯典司人
鬼其次第朕言刻石凱再拜頓首受命設宿州祠
祭署以王鄰家武氏世爲奉祠守王墳灑掃戶九
十家

滁陽王郭子興其先曹州人父贅定遠生子興子

興兄弟三人富有力豪淮西元末妖人起子興悉散家財陰結俠客死士友人馬公有季女日者言此女當大貴馬公以属子興子興妻張夫人極撫愛馬公女壬辰汝穎亂子興召諸所結賓客子弟遂官吏與孫德崖等稱元帥據濠梁時上欲起兵往依子興仗劍走濠梁濠梁人欲殺上子興一見驚曰非常人也留麾下時時召與語益大異上居數月謂上曰吾爲若婚小張夫人亦曰此異人也勿使爲他人用遂以馬公女妻上上孝慈皇后是也子興勇悍善戰一時四帥孫德崖

輩皆坐子興上子興剛直不肯下四帥四帥臨事
木強不能出一語子興爲決通敏中節四帥固忌
子興子興又出非語數侵四帥者會客兵彭早住
趙君用駐濠稱王四帥挾二王縛子興下獄欲殺
子興 上方練兵於外聞變馳入子興家集諸健
銳欲且篡子興不濟卽殺四帥去子興以故得釋
歸故里稍收散卒得三千人二王又挾子興屯泗
州時 上在滁陽獨堅守不從子興去輒賂二王
左右子興又得歸滁陽 上初移兵和陽有譏
上於子興者子興忽逢和陽奪 上兵子興遽率

子與子四人長二子忌 上英武得衆心兵勢日
盛爲毒酒召 上家人洩語 上上見二子果來
召大喜並馬行去至半途 上忽躍起跪馬上仰
天若聽語言已又頓首伏馬上頃之勒馬罵二子
豎奴乃欲毒我耶二子曰安有是 上曰適天神
云云二子駭汗洽背下馬伏地曰安敢有是 上
竟馳馬歸自是不復至子與所遂積嫌隙二子者
竟不知所終或曰大舍二舍三舍皆戰沒或曰沉
諸和州江中季子老舍洪武元年贈子興滁陽王
建廟祠以王鄰家宥氏世爲奉祠守王墳已而復

老舍家洪武十六年十一月 太祖面諭太常丞
張來儀爲子興廟碑碑言王無後二十八年 太
祖令旗手衛官李忠召老舍於黑窩殿入四川候
蜀王蜀王母子與女所謂郭惠妃也老舍生謙謙
生昇昇生信信生琥世以王孫朝京師琥乞恩弘
治十五年得爲奉祀琥請乞不休正德中奪官
論曰國制異姓不得王三王者皆贈王也又無後
卽有之文獻不相佐不得沾斗食

附孔氏世家

孔克堅字璟夫先師五十五世孫也性敏學博善

詩詞尤精樂府至正元年襲封衍聖公至正八年
賜銀章攝太常卿治書侍御史山東廉訪使集賢
直學士禮部尚書西臺侍御史國子祭酒世亂不
樂居朝謝病歸後起力辭二十六年 太祖手詔
趣入朝待以賓禮不名不煩以政郊社致膳歲致
祿洪武元年 上召見面諭守先訓又曰爾有福
快活人也洪武三年以疾告遣中使日再存問疾
篤詔乘傳還賜白金雜綵行至邳新安驛卒子九
人皆有行誼長希學字士行至正五年襲封衍聖
公洪武元年朝京師 上問歷代治理條對甚悉

上喜賜雜絲即命還守祖庭是年十二月授資
善大夫襲封衍聖公賜屬官管勾典籍司樂各一
人希學歲入朝賜與稠疊元旦之朝特命班亞上
相祖庭兵後廊廡圯壞祭田荒蕪官賦煩迫希學
條請復故又請備禮器樂器樂舞儀式希學子訥
字言伯篤學恭謹能詩書工篆法律身嚴恪始終
不渝洪武十六年外艱以 中官崩赴京祭于
孝陵竣事入見 上顧謂廷臣曰孔訥真聖人子
孫也館于太學遣尚書劉仲質勞問日繼庖廩復
賜衣服鈔錠充物館舍十七年正月朝京師襲封

衍聖公命禮官以大樂導至太學明日入謝復賜
襲衣宴禮部吏部擬誥用資善大夫階上曰既
爵公勿事散官但誥以織文王軸爲異耳遂著爲
令每歲入覲得給符乘傳班序文臣首子公鑑字
昭文生而岐嶷長益端謹建文二年年二十一襲
封衍聖公嗜學尤篤四年卒成祖初卽位遣使
諭祭子彥縉字朝紳名字皆仁宗所命蚤孤母
胡夫人教育之未幾八年襲封衍聖公上觀其
言動進退從容喜謂侍臣曰真聖人裔也館之大
學歸讀祖書不懈洪熙元年賜第東安門北景泰

二年 上幸太學特召率三氏子孫觀禮賜冠帶
錦衣越三年朝會賜三臺銀印王帶麒麟服子承
慶年六歲遭母夏夫人喪奉父及繼母盡孝既長
從三氏學錄族祖孔克宴學所著有禮廷吟藁行
于世未襲爵而卒景泰六年贈襲封衍聖公子二
人弘緒弘泰弘緒字以敬早失怙年八歲 景皇
召見賜冠服於東角門景泰六年襲封衍聖公賜
王帶以軀小去二銙授之俾蔽焉又賜金謹禮崇
德圖書勅族人共保護之 英宗復阼入朝召見
便殿 上握其手置膝上與語久之以賜第湫隘

改賜大宅弘緒嘗奏給三氏教授印開生員歲貢
格蠲孔氏田租十七成化六年坐事削爵廷議世
嫡相傳古今通義請如宋若蒙若虛故事命其弟
弘泰襲封後仍歸其子弘治十一年巡御史上言
弘緒改過乞復爵上與冠服家居弘泰字以和
成化六年襲封衍聖公弘泰美風儀善論議每評
騰人曲直料事當成敗多奇中憲宗見弘泰東
王帶遣人問曰二品焉得王帶東乎對曰臣家門
故事累朝恩數不敢廢也十三年加廟祭禮樂率
族人奉表入謝弘泰嗣公三十有四年而卒弘緒

子聞韶字知德弘治十六年襲封衍聖公未幾而
其父弘緒卒孔氏又有世曲阜知縣三氏學錄洪
武八年始以克伸爲曲阜知縣宣德七年始以克
晏爲三氏學錄克伸克晏皆五世孫也又有
諤字貞伯者永樂中舉人歷官左中允遷大理左
評事又爲監察御史陞河南按察僉事有學行公
恂字宗文穎敏絕人能詩善書天順丁丑進士給
事中禮科癸未陞少詹事茂陵初以訊獄知法
比陞大理左少卿尋復少詹事兼左諭德成化二
年言事出爲漢陽知府適外艱六年復少詹事出

南京卒公恂孝友善事繼母動遵禮度

附孔氏世家傳終

子履準校正